

IBhayibhili Labantwana
Lisinika

Izimanga zikaJesu



Kubhalwe ngu: Edward Hughes

Kudwetshwe ngu: Byron Unger; Lazarus
Alastair Paterson

Kucubungulwe ngu: E. Frischbutter; Sarah S.

Kutolikwe ngu: Martina Sithole

Kuvezwe ngu: Bible for Children
www.M1914.org

©2024 Bible for Children, Inc.

Ilayisense: Ulelungelo lokulingisa kumbe ukucindezela
indatshana leyi nxa ungasoze uyithengise.



UJesu wayenza izimanga ezinengi. Izama lezi zaziyimzekeliso yokuthi uJesu yindodana kaNkulunkulu. Isimanga sokuqala sayenzakala emtshadweni. Kwabalenkinga. Utshwala baphela.



UMaria, umamakhe kaJesu, wamlanda wamtshela ngenkinga leyi, wayexwayisa izisebenzi ukuba zenze iloba yini okuzakhulunywa nguJesu.



"Gcwalisani amabhodo lawa ngamanzi," kwatsho uJesu. "Amanzi?" babuzisisa. Yebo, uJesu wathi bathele amanzi.



UJesu wasexwayisa omunye wezisebenzi ukuba
akhe amanzi lawa anike onguye owayephethe
umcimbi ukuba anathe.

Kwamangalisa ngoba
amanzi ebesetshintshe
aba lutshwala!

Utshwala
obumnandi!
Utshwala
obumqotho!




Izisebenzi zamangala kakhulu.
UJesu ubetshintshe
amanzi abalutshwala.
NguNkulunkulu
yedwa nje ongayenza
isimanga esingaka.



Waqubekela phambili uJesu esenza izimanga ngokunjalo. Kwenye intambama, uJesu labafundi bakhe bahamba endlini kaPetro. Uninazala kaPetro wayegula kakhulu ephethwe yisifo.



UJesu wabamba isandla somfazi lowu ogulayo. Wahle wasila. Wavuka waphekela uJesu labafundi bakhe.



Kwakungani idolobha lonke babizene abantu
bahlangana emnyango ngaleyo ntambama.

Abagulayo bonke
babuya - iziphofu,
impumputhe,
abangakhulumayo,
izigoga. Loba abantu
ababehlukumezwa
ngamadlozi babuya
bazobuthana
okwakulo Jesu.
Kambe
engabasiza?



UJesu, indodana kaNkulunkulu, yebo uyenelisa ukusiza. Ngokunjalo wabasiza. Bonke ababuya kuye bahlamvuluka bayelatshwa. Abantu abakade bephila ngokuhamba bebambebelele izigodo basebekwanisa ukuhamba, ukweqa lokugijima.




Abanye babuya,
abakade sebelesimo
esibi ngenxa
yomkhuhlane
yobulephero.



Bahlambululwa
bayelatshwa
nguJesu.



Amadoda labafazi abakade behlutshwa ngamadimoni babuya bama phambili kukaJesu. UJesu watshela amadimoni lawa ukuthi aphume kubantu labo. Amadimoni amlalela ngokunjalo, abantu abakade belokwesaba, bengathokozi babalokuthula lenjabulo.



Ngemva kwexuku labantu, amadoda amane azama ukungcedisa omunye wabo ukuthi afike kuJesu. Kodwa bebengakwanisi ukufika. Kuyini abangakwenza?



Amadoda lawa asecabanga ukuthi bathwala umngane wabo bamfake ephahleni, bamehlisele endlini ngophahla afike kuJesu.



UJesu wancoma
ukholo lwabangane
laba. Wathi
kundoda owayegula,
"Izono zakho
zithethelelwe.
Thwala umbeda
wakho uhambe."
Ubaba lowu
wasukuma,
eseholile njalo
seqinile. UJesu
ubesemsindisile.



Emva kwalokho uJesu waya emkhumbini labafundi bakhe. Izulu likazamcolo laqala ukutheleka lapha esizibeni. UJesu wayelele. Abafundi bakhe ababelokwesaba bamvusa. "Nkosi singcede usikhulule," bakhala. "Siyafa!"



“Thula,” uJesu watshela umkhathi. Lakanye, kwaba lokuthula emkhathini. “Yindoda bani leyi?” Abafundi bakhe banyenyeza. Izulu, lesavunguzane lesiziba kuyamlalela. Babalenkolo yokuthi uJesu yindodana kaNkulunkulu ngoba izimanga zakhe zatshengisela ukukhanya kwakhe. Abafundi babengakwazi

ngalesiskhathi ukuba maduzane bazambona uJesu esenza izimanga ezinkulu ezesabisayo.



Izimanga zikaJesu

Indaba evela elizwini likaNkulunkulu, iBhayibhili

itholakala ku

UMatewu 8-9, UMakho 1-2, UMakho 4,
ULukha 4, ULukha 8, UJohane 2

"Isango lamazwi akho lunika ukukhanya."
Amahubo 119:130



Isiphetho



Indaba leyi eyeBhayibhili isitshela ngokubukeka
kukaNkulunkulu owasidalayo njalo ofuna wena ubemazi.

UNkulunkulu uyakwazi ukuthi senze izinto ezimbi,
lezo azibiza ngokuthi yizono. Umjeziso wesono yikufa, kodwa
uNkulunkulu uyakuthanda kakhulu okokuthi Wakuthumela iNdodana
yakhe, yona eyiyo yodwa, uJesu, ukuze afele esiphambanweni
ejeziselwa izono zakho. UJesu wasevuka kwabafileyo wahamba ekhaya
eZulwini! Nxa ukholwa kuJesu njalo umcele ukuba akuthethelele izono
zakhe, Uzakwenza lokho! Uzabuya ahlale ngakuwe,
lawe uzahlala Laye ngokunaphakade.

Nxa ukholwa ukuthi lokhu kuliqiniso, tshono lokhu kuNkulunkulu:
Kuwe Jesu, ngiyakholwa ukuthi UnguNkulunkulu, njalo wabangumuntu
ukuze ufele izono zami njalo kathesi Uyaphila ngokunjalo. Ngicela
ungene enhlizweni yami ungithethelele izono zami, ukuze ngibe lempilo
entsha kathesi, kwelinye ilanga ngihambe ngiyokuba Lawe
ngokunaphakade. Ngiyacela ukuba ungingcedise ngiKuhloniphe
ngiKuphilele njengomntwana Wakho. Amen.

Funda iBhayibhili njalo ukhulume loNkulunkulu
nsukuzonke! Johane 3:16

